

नबिंध लेखक हदी साहति यकी एक वधिा है जसिमें कसी वषिय की जानकारी को वविरणात् मक शै  
नबिंध लेखन के महत् व को ध् यान में रखते हुये 400 से अधिक वषियो पर सुंदर नबिंधो का संकलन ह  
इस कतिाब में वर् तमान वषियो पर हदी में नबिंध लिखे गये है ' जै से हदी नबिंध मेरी माँ, सत् य का

# XASAN IYO XUSEEN

WQ.

**Aw Cabdiqani Xasan Muxumed  
Caliqeyr M. Nuur**

---

**Farshaxanka muuqaallada sameeyay  
Naasir Axmed Rooble**

® Aw Cabdiqani Xasan Muxumed, Caliqeyr M. Nuur, 2020

*Xaqa buuggani wuxuu u dhowran yahay Aw Cabdiqani Xasan Muxumed iyo Caliqeyr M. Nuur. Dib looma daabacan karo isaga oo dhan ama qaybo ka mid ah; lagama dhigi karo kayd elektaroonic ah haddii aan oggolaansho qoran laga helin qorayaasha kor ku xusan.*

ISBN: 978-91-986621-0-8



## **Erayada sheekada ku jira**

**Awoowe:** Ninka dhalay aabbahaa ama hooyadaa.

**Macallin:** Qofka dadka wax bara.

**Aroor:** Bilowga maalinta, marka ay qorraxdu soo baxdo.

**Fiid:** Dhammaadka maalinta, marka qorraxdu dhacdo.

**Xad:** Qaadasho wax aadan iska lahayn. Xadid; xatooyo.

**Yas:** Yareysasho; liidid.

**Cay:** War xun oo qof lagu yiraa.

**Weeso:** Dhaqista xubno gaar ah si loo tukado.



## XASAN IYO XUSEEN



Xasan iyo Xuseen waxaa awoowe u ahaa  
Nebi Muxammed scw. Aabbahood waa  
Cali Abii-Daalib, hooyadoodna waa  
Faadumo Muxammed Cabdullaahi.

Waxay jeclaayeen salaadda iyo in ay dadka caawiyaan. Waxaa kale oo ay jeclaayeen awowgood Nebi Maxamed scw oo ahaa macallinkooda diinta bara.






Aroor kasta waxay ka sheekaysan jireen waxa fiican ee ay maalintaas qaban doonaan. Fiidkiina waxay ka sheekaysan jireen wixii ugu fiicnaa ee ay maanta soo qabteen.



Xasan iyo Xuseen, dadka ma caayi jirin.  
Ma yasi jirin. Mana xadi jirin. Waxay  
jeclaayeen in ay qof kastaba caawiyaan.  
Markastana war fiican bay ku hadli  
jireen.




Maalin ayey Xasan iyo Xuseen masjidka ku arkeen oday waayeel ah. Odaygu wuxuu u weesaysanayey si aan sax ahayn.





Xasan iyo Xuseen waxay go'aansadeen in ay odayga caawiyaan oo baraan sida loo weesaysto. Balse ma doonayn in ay yiraahdaan waad qaldan tahay.

Waxay ku dhaheen: Adeer waxaan rabnaa in aad noo sheegto labadeenna kii si sax ah u weesaysta.



Xasan ayaa markiisa weesaystay,  
Xuseenna waa uu ku xigsaday. Haddana,  
odaygii ayey ku yiraahdeen: Adeer  
labadeenna kee ayaa saxan?





Odaygii oo jeclaaday sida qurxan ee ay u weesaysteen ayaa yiri: Labadiinnuba si saxan ayaad u weesaysateen, laakiin aniga ayaa qaldan. Waa in aan sida adinka oo kale u weesaysto.

Mar labaad ayuu odaygii Xasan iyo Xuseen ku yiri: Si fiican ayaad wax ii barten, waxaadna tihiin macallimiin yaryar oo wanaagsan.





Xasan iyo Xuseen weligood qorraxdu uma  
dhicin iyaga oo aan wax fiican samayn.  
Maantana oday waayeel ah ayey weesada  
soo bareen.



## **Sheekadan waxaan ka barannay**

1. Aroor kasta ku feker wax fiican oo aad maalintaas samayn doonto.
2. Habeen kasta ka feker wixii fiicnaa ee aad maalintaas samaysay.
3. Dadka ha caayin, ha xadin, ha yasin.
4. Cid kasta u naxariiso, qofkii baahanna caawi.
5. Qofka aad saxaysid si hoose wax ugu sheeg.
6. Markastaba, noqo qof wax fiican sameeya.
7. Noqo tusaale wanaagsan oo ay dadku ku daydaan.



